



高級屎畚仔

頭毛生做啥款，佇早前是小可仔代誌，特別是阮這款歹命囡仔，無生蟲母就誠萬幸囉！彼陣的囡仔，頭毛攏嘛盡量鉸予短短短。查某囡仔大部份攏嘛匿一頂屎畚仔頭，有人講是「西瓜頭」，聽起來恹恹閣無佻好聽。猶是現代人較勢，共號做嬌閣古錐的『妹妹頭』。查埔囡仔就攏一粒瑞氣千條、金光沖沖滾會滑死狗蟻的金光頭，嘛有人攏「三分仔頭」抑是「五分的」，就是這馬誠濟緣投仔桑刁工去剃的『平頭』。

定定攏是佇下晡兩、三點，當阮用戶模做椅頭仔，用椅條做冊桌仔，趕借日頭光寫功課的時；抑是拄好佇空地仔佻厝邊咧跳樹奶、踢毽子的時陣，會臨時予大人叫倚來，因為剃頭婆仔騎腳踏車來到巷仔底囉！欲剃欲鉸的就會共圓椅仔擡出來。鉸一粒頭五箍銀，十分鐘就 **khǎn-tsiooh** 來。鉸好就用痲仔粉糝拌拌咧，額頸仔都猶白白，就隨幹轉去寫字，趕欲閣耍。

剃頭婆仔若一陣風，來無影，去無蹤。佇艱苦時代就先顧腹肚才顧佛祖，食都食袂飽，頭毛嬌糝無要緊，有鉸就好。啊若是較好命、較好額的查埔同學，會鉸較大人款的『**hái-kat-á**』，精差無抹油抹甲芳貢貢、油朥朥。後來我才知影日本話『**hái-kat-á**』是外來語『**high-class**』，高級的人才有才調開二十箍，去有霓虹燈的理髮院抑是美容院處理。鉸頭毛竟然有這種好額散的差別？

好佳哉阿媽定定共我講：「頭殼較贏頭毛」。親像我，屎畚仔頭戴甲小學六年，毋過頭殼絕對無貯屎，是貯頭腦。人攏呵咾我是古錐伶俐、骨力閣巧的阿妹仔！遐的剃 **hái-kat-á** 的，嘛無影較高級，因為誠濟人予厝裡倖歹去，四界共人創治，個性懂嚇，做代誌閣袂精光。毋過嘛袂當一枝棍仔損死全部的人，因為我偷偷仔佻意的彼个白面書生，嘛是高級彼國的，到今想來伊猶是品質保證啦！

這馬的時代無全矣，親像阮查某囡誠重頭腦嘛重頭髮，佢攏行「高級」的『沙龍』。鉸一粒頭愛點外鐘，閣開幾佻百箍。毋過伊捌鉸一粒『妹妹頭』轉來，我笑一下就共號做「高級屎畚仔」。

作者：王秀容

☆詞彙學習☆

- | | |
|-------------|---------------------|
| 【鉸】ka：剪。 | 【拌】puānn：揮。 |
| 【匿】khap：覆蓋。 | 【幹】uat：轉彎。 |
| 【擡】giáh：抬。 | 【貯】té：裝。 |
| 【糝】sám：撒。 | 【懂嚇】táng-hiannh：莽撞。 |

☆文法學習☆

- 【短短短】把單音節形容詞重疊三次，可表示形容詞的最高級。此時，若該字為第 2、3、4 調，則照一般變調規則來讀；若為第 1、5、7、8 調，則第一個字要讀為上揚的第 9 調，如芳芳芳、黃黃黃、冗冗冗、白白白。